

本榜紙見收數少放支不敷在庫中夾紙數多陳積要  
行折支一節但各衙門閱支紙劄不一若令一槩折支  
事有不便合無不為常例今後囚人審其有力者  
該折中夾紙張照依時價兩平折納奏本手本紙榜  
紙收受入庫候各衙門閱支足用仍旧送納緣係折  
納紙劄事理未敢擅便具題次日奉  
聖旨是欽此

計開

官吏紙一分榜紙三十張中夾紙四十張

原告紙一分勘合紙三十張中夾紙三十張

軍民紙一分中夾紙五十張奏本紙十張手本

紙五張內中夾紙每張折納手本紙二張每五  
張折納榜紙一張每二張半該折納本紙五張

有力囚人運石則例

成化四年三月初七日工部尚書王 等

題為運石事成化四年二月二十四日該太監許安傳奉  
聖旨今後囚犯該運石灰納量發一半運石該做工的也着  
運石俱赴正陽門外交納正斟酌則例來看該衙門  
知道欽此欽遵查得正統十二年十月該工部議奏運  
磚囚人於張家灣盤運止該四十余里馬鞍山運石路  
程加倍所運石料比輓斤重減半折運彼時俱審有  
力囚人運石又查得景泰三年十一月內該工部奏將  
運石囚人比照運灰則例本部填給勘合着令盤  
運今奉前因臣等會議得運石則例已有前項定議  
斤重及路程遠近旧例但量發囚犯必須審有力人  
備脚價者方可擬送運石若將貧難無力之人一槩

運石未免兩相耽誤合無仍照旧例准做雜工該行工部查照旧例并令運石所在比照磚灰斤重路程遠近定擬適中則例倖自具

奏以憑將有力相應因犯差發填給勘合運石便益等因本部等衙門尚書等官陸等具題奉

聖旨是欽此欽遵備咨到部送司案查先該都察院右都御史李為陳言事切見法司問擬囚人罪名雖同而贖罪運磚運炭運灰運石所費輕重不一要行從新定擬則例等因天順五年十月二十八日奉

太宗皇帝聖旨該衙門看了來說欽此欽遵本部會同刑部都察院大理寺尚書等官陸等計議將定撥運磚運炭運灰運石則例開坐具題本年十二月初一日該本部尚書兼大理寺卿趙等於

奉天門奏奉

英宗皇帝聖旨是准擬欽此欽遵已經通行遵守去後今奉前因案呈到部看得尚書陸等奏稱欽行本部查照因例并令運石所在比照運灰斤重路程遠近定擬適中則例徑自具奏一節合無照依天順五年會議奏准運石斤重丈尺則例於法司送到有力囚人本部照依所擬罪名填給勘合前去馬鞍山石廠照數開領搬運仍行

內府內官監差人前去馬鞍山并

正陽門外照數收放本部仍委官一員監收緣係定擬囚犯運石則例事理未敢擅便具題次日奉

聖旨是欽此